



Indgået

Hans Enoksen, Inatsisartuni ilaasortaq, Partii Naleraq

19 SEP. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Konto pingaarneq 24.11.26 pillugu § 37 naapertorlugu apeqqutip
akineqarnera (apeqqut 230)**

Allakkap ullua: 15-09-2016
Suliap nr.2016-13566
Allagaatip suussusia 3504995
J.normua. 24.37.02

Asasara Hans Enoksen

Inatsisartut suleriaasianni § 37, imm. 1 naapertorlugu apeqqutit ataani pineqartut saqqummiuppatit. Apeqqutit issuarneqarput ataasiakkaarlugillu akissuteqarfigineqarlutik.

P. O. Box 1037
3900 Nuuk
Oqa. (+299) 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

1. 2017-imut aningaasanut inatsisissatut siunnersuummi pingaarnertut kontomi 24.11.26 normulerneqarsimasumi saarullinnut, kullerinit, suluppaakkanut, sejinullu akitsuut avataasiortuinnarnut atuuttussatut isigineqarpa, imaluunniit aamma sinerissap qanittuani aalisartunut atuutsinniarneqarpa?

Akissut: Akitsuutit pineqartut Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaat nr. 11, 3. december 2012-imeersoq naapertorlugu akilersinneqartarput. Inatsit kingullermik Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaata allanngortinneqarneranik Inatsisartut inatsisaat nr. 9, af 6. juni 2016-imeersoq (Saarullit, kullerit, saarulliusaat aamma suluppaakkat akitsuutaat) aqputigalugu allanngortinneqarpoq. Inatsimmi § 3c-mi takuneqarsinnaavoq kiilumut akitsuut 0,55 kr.-iusoq avataasiorluni aalisarnermuinnaq atuuttusoq. Aalisakkanut pineqartunut avataasiorluni pisassiissutit allat akitsuuserneqartussaapput pisassiissutit Kalaallit Nunaanni, nunat tamalaat imaluunniit nunat allat imartaanni aalisarneqarnerat apeqqutaatinnagu, takuuk aalisarneq pillugu isumaqatigiissutit. Akitsuut 1. januar 2017 atuutilissaaq.

2. 2017-imut aningaasanut inatsisissatut siunnersuummi pingaarnertut kontomi 24.11.26 normulerneqarsimasumi Inatsisartut Inatsisaat taakkartorneqartoq erseqqissaavigineqarsinnaava?

Akissut: Saarullinnut, kullerinit, suluppaakkanut sejinullu akitsuutitigut iluanaarutissatut 15 mio. kr.-nit missingersorneqartut makkuninnga tunngaveqarput: Aningaasaliissutinik naatsorsuineq 2016-imut pisassiissutinik tunngaveqarpoq, tassanilu ilimagineqarpoq saarullinnut suluppaakkanullu pisassiissutit 80 pct.-ii aamma kullerinit sajinullu pisassiissutit 90 pct.-ii

aalisarneqarumaartut. Pisarineqartunut akitsuut kiilumut 0,55 kr.-iusoq akilernerneqartassaaq, tamannalu 1. januar 2017 atuutilissaaq. Saarullinnut pisassiissutit tamarmiusut Kitaani 5.000 tonsinut, kujammut kitaani Tunumilu (NAFO1) 11.875 tonsinut, Norgemik nunat marluk isumaqatigiissutaat malillugu norskit imartaanni 3.500 tonsinut aamma Ruslandimik nunat marluk isumaqatigiissutaat malillugu 5.100 tonsinut agguanneqarput. Kullerinit pisassiissutit norskit russillu imartaanni aalisarneqarsinnaapput, sejinullu pisassiissutit norskit imartaanni aalisarneqarsinnaallutik. Suluppaakkanut pisassiissutit Kitani 1.000 tonsinut, Tunumilu 5.500 tonsinut agguarneqarput.

	Pisassiissutit , Tons	Pisat annertussusaat, Tons	Akitsuutinit iluanaarutissatut missingersuutit Mio.kr.
Saarulliit	25.475	20.380	11,2
Suluppaakkat	6.500	5.200	2,9
Kullerit	1.400	1.260	0,7
Sejit	700	630	0,3
Katillugit	34.075	27.470	15,1

Malugisassaaq: Akitsuutinit iluanaarutissatut naatsorsorneqartut 15,1 mio. kr.-iusut 15 mio. kr.-inut iluarsineqarput.

Inussiarnersumik inuulluaqqusillunga
Inussiarnersumik inuulluaqqusillunga

Randi Vestergaard Evaldsen